

Naalakkersuisut kingusinnerpaamik UKA2019-imut inatsisunik atuuttunik allanngortitsinissaq pillugu siunnersuummik saqqummiussinissaat, taamaaliornikkut eqqumiitsuliornermut aningaasaateqarfimmik pilersitsinikkut eqqumiitsuliornermut aningaasaliissutinik tamanik agguaassinermi attuumassuteqannginnissamik pilersitsinissaq periarfissinneqarsinnaanissaat ilanngullugu Inatsisartuni aalajangiiffigisassatut siunnersuut

(Inatsisartunut ilaasortaq Peter Olsen, Inuit Ataqatigiit)

Akissuteqaat

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Aappassaaneerpeqarnera

Inatsisartuni aalajangiiffigisassatut siunnersuut pillugu Kultureqarnermut, Ilinniartitaanermut Iisimatusarnermut Ilageeqarnermullu Ataatsimiititaliaq isumaliutissiissuteqarsimavoq. Naalakkersuisut Ataatsimiititaliaq Isumaliutissiissummut qutsavigaat.

Paasissutissiissutigineqarsimasut tunngavigalugit Ataatsimiititaliap innersuussuteqarnerminut tunngavilersuutigisaannut Naalakkersuisut erseqqissaataasussanik oqaaseqaateqarnissaq pisariaqartippaat.

Ataatsimiititaliap isumaliutissiissummini ilaatigut iserfigaa maannakkut tapiisarnermut aaqqissuussaanermi aammalu agguaassisarnermut ataatsimiititaliaqarluni aaqqissuissagaanni, tapiinissamut aningaasaliissutit ukiumiit ukiumut nuunneqarsinnaanngitsut. Tamannali piviusunngortinneqarsinnaavoq Aningaasanut Inatsimmi oqaasertaliussamik ilanngussinikkut.

Naalakkersuisut agguaasseriaasissamik pilersaaruserineqartumut atatillugu ilisimatitsissutigineqassaaq, avataaniit aningaasaliissuteqartoqarsinnaassammat agguaassisoqarsinnaassallunilu, inatsisitigut periarfissiinikkut.

Aammattaaq oqaaseqaateqarfigineqassaaq periarfissat tamarmiusut Nunatta Karsianit aningaasaliiffigineqarnissaannik ilaqarmata, tamatigullu Aningaasanut Inatsisip akuerineqarsimanissaanik tunngaveqartussaallutik. Ukiuni arlalinni agguaanneqarsinnaasunik Eqqumiitsuliornermut aningaasaateqarfimmik pilersitsinermi annertuumik aningaasaliisoqarsimanngippat, aamma Aningaasanut inatsisini ukiumoortuni aningaasaateqarfik pingaarnersiutinut ilaasassaaq.

Apeqqummi politikikkut attuumassuteqannginnermut tunngasumi, Ataatsimiititaliap isumaliutissiissummi skiimaliorluni takussutissiaraa agguaassisarnermut ataatsimiititaliaqaraanni taamaallaat ilaannakortumik politikikkut attuumassuteqartoqassanngitsaq. Tassunga ilanngullugu malugeqquneqassaaq,

agguaassinermik ataatsimiititaliaq aalajangiisinnanermik pisinnaatitaaffilerneqassappat, politikikkut attuumassuteqartoqarnaviangimmat.

Assinganik takussutissiarineqarpoq Agguaassisarnermut ataatsimiititaliaqarnikkut taamaallaat ilaannakortumik immikkut ilisimasalinnut eqqumiitsuliat nalilersortinneqartassasut Agguaassisarnermut ataatsimiititaliaq eqqumiitsulioriaatsit assigiinngitsut ataasiakkaarlugit immikkut pitsaanerpaagallartumik ilisimasaqartutut inissisimassapput. Eqqumiitsuliornermik aningaasaateqarfik siammasissumik piginnaasalinnik siulersuisulik eqqumiitsulioriaatsit assigiinngitsut ataasiakkaat pillugit assingusumik immikkut ilisimasaqarnaviangilaq.

Eqqumiitsuliornermut aningaasaateqarfimmik pilersitsineq allaffissornikkut aningaasartuuteqarnerulerfiususaaq allaffissornikkullu sullivimmik tulluuttumik pilersitsinissaaq siunnersuuteqartup Ataatsimiititaliaq isumaqatigiiffiigaat Naalackersuisut tusaatissatut tiguat. Ataatsimiititaliaq isumaliutissiisutaani atuarneqarsinnaasutut, siunnersuut akuersissutigineqassappat tamatumunnga aningaasartuutaajumaartut kulturimut pingaarnersioriikkat akornanni imaluunniit politikikkut kulturip iluani pingaarnersiueqqinnikkut nassaarineqartariaqassapput.

Naalackersuisuniit taamatut oqaaseqarluta Ataatsimiititaliaq isumaliutissiisutaa aalajangernissamut siunnersuummullu innersuussutaa tusaatissatut tiguagut.